

神祇寶典


共九冊

五

館			
備	品	年	調
所	目	月	製
付		日	第
文		昭	三
書		和	年
		年	月
		月	

170
12
B-5





尾  
神  
局  
神  
賀  
茂  
郡

神祇寶典 卷第五

野見神社

土師連之始祖野見宿禰者天穗日命十四世之孫也

見于因幡國大野見宿禰命社之下

兵主神社

知果文化會館  
昭 33.7.30 和  
35026

A170  
12  
B-5

兵主神者大和國穴師社同體也  
見于大和國穴師坐兵主社之下  
狹投神社

相傳云狹投社祭吉備武彥者也

日本紀云景行天皇四十年令日本武尊平東  
夷天皇則命吉備武彥與大伴武日連令從日  
本武尊亦以七柙脛為膳夫

古事記云大帶日子游斯呂和氣天皇頒詔倭

建命言向和平東方十二道之荒夫流神及摩  
都樓波奴人等而副吉備臣等之祖名御鉏友  
耳建日子而遣之

按姓氏錄吉備武彥者稚武彥命之孫也

按舊事紀武彥之女吉備穴戶武媛者日本武  
尊之妃而生兒武卯王次十城別王

仁壽元年十月乙巳參河國狹投神授從五位  
下

貞觀六年二月丙子授從五位上

十八年六月癸丑授正五位下

元慶元年閏二月戊戌正五位上授神授從

四位下

碧海郡

知立神社

相傳云知立社所祭大伴武日連也

日本紀云景行天皇令日本武尊東征天皇則

命吉備武彥與大伴武日連令從日本武尊爰

日本武尊則從上總轉入陸奥國從海路迴於

葦浦橫渡玉浦至蝦夷境蝦夷既平自日高見

國還之西南歷常陸至甲斐國居于酒折宮時

舉燭而進食則居是宮以執部賜大伴連之遠

祖武日也

播豆郡

羽豆神社

尾張國羽豆社同體八幡大神也

仁壽元年十月乙巳參河國播磨神授從五位

下

遠江國

濱名郡

彌和山神社

大和國三輪大神同體也

見于大和國大神社之下

大神神社

三輪神大物主命也

引佐郡

三宅神社

三宅氏祖神天日杵命也

見于但馬國出石社之下

鹿玉郡

多賀神社

近江國多賀社同體伊弉諾尊也  
伊弉諾尊事見于淡路國淡路社之下

長上郡

大歲神社

大年神者素戔嗚尊之兒也

見于山城國乙訓郡

服織神社

天棚機姬神也

見于尾張國山田郡

磐田郡

淡海國玉神社

俗曰總社

大國玉神者大己貴命之一名也

大己貴神事見于三輪社梓葉社等之下

豊雷命神社

豊雷賣命神社

生雷命神社

右三社共雷神也

慕原郡

服織神社

天棚機姬神也

見于尾張國山田郡

式外

鴨神社

事代主神也

貞觀九年十月庚午遠江國正六位上鴨神授

從五位下

駿河國

益頭郡

大神神社

大物主神也

見于大和國大神神社之下

燒津神社

燒津神者日本武尊也

日本紀云日本武尊初至駿河其處賊陽從之欺曰是野也麋鹿甚多氣如朝霧足如茂林臨而應將日本武尊信其言入野中而覓獸賊有殺王之情放火燒其野王知被欺則以燧出火之向燒而得免王曰殆被欺則悉焚其賊衆而滅之故号其處曰燒津

日本武尊事見于尾張國熱田社之下  
有度郡

池田神社

崇神天皇皇子豐城入彥命也

按姓氏錄豐城入彥命者池田朝臣之祖也

日本紀云崇神天皇四十八年正月天皇勅豐城命活日尊曰汝等二子慈愛共濟不知曷為嗣各且夢朕以夢占之二皇子於是被命淨水

而祈寐各得夢也會明兄豐城命以夢辭奏于  
天皇曰自登御諸山向東而八迴弄槍八迴擊  
刀弟活日尊以夢辭奏言自登御諸山之巔繩  
緗（テ）四旁逐食粟雀則天皇相夢謂二子曰兄則  
一片向東當治東國弟是悉臨四方宜繼朕位  
四月戊申朔丙寅立活日尊為皇太子以豐城  
命令治東是上毛野君下毛野君之始祖也

草薙神社

草薙劍事見于尾張國熱田社并八劍社之下

安倍郡

大歲御祖神社

合祭素戔嗚尊及大年神之社也

或說云大山祇之女神大市比賣也是大年神  
稻倉龜神等母也

廬原郡

御穗神社

日本紀云大物主神及事代主神乃合八十萬  
神於天高市帥以昇天陳其誠歎之至時高皇  
產靈尊勅大物主神汝若以國神為妻吾猶謂  
汝有疏心故今以吾女三穗津姬配汝為妻  
領八十萬神永為皇孫奉護乃使還降之  
久佐奈岐神社

草薙劍事見于尾張國熱田社八劍社之下  
豐積神社

所祭海神也

海神事見于筑前國志加社之下

富士郡

倭文神社

倭文造祖天羽槌雄神也

天羽槌神事見于大和國倭文社之下

淺間神社  
大名神

淺間神者大山祇神之女木花開耶姬也皇孫

火瓊々杵尊幸之生兒火闌降命次彥火々出  
見尊次火明命

仁壽三年七月甲午駿河國淺間神預名神在  
寅授從三位

貞觀元年正月甲申授正三位

日本紀云天津彥火瓊々杵尊降到於日向穗  
日高千穗之峯而後遊幸海濱見一美人皇孫  
問曰汝是誰之子耶對曰妾是大山祇神之子

名神吾田鹿葦津姬亦名木花開耶姬因白亦  
吾姊磐長姬在皇孫曰吾欲以汝為妻如之何  
對曰妾父大山祇神在諸以垂問皇孫因謂大  
山祇神曰吾見汝之女子欲以為妻於是大山  
祇神乃使二女持百机飲食奉進時皇孫謂姊  
為醜不御而罷妹有國色引而幸之則一夜有  
身是後神吾田鹿葦津姬見皇孫曰妾孕天神  
之子不可私以生也皇孫曰雖復天神之子如

何一夜使入娠乎抑非吾之兒歟木華開耶姬  
甚以慙恨乃作無戶室而誓之曰吾所娠是若  
他神之子者必不幸矣是實天孫之子者必當  
全生則入其室中以火焚室于時焰初起時生  
兒次火盛時生兒次生兒九三子矣

舊事紀云大山祇神之女子等大号磐長姬也  
号木花開姬亦名豐吾田津姬亦名鹿葦津姬  
又云名神吾田鹿葦津姬

富知神社

富士神者大山祇也其神者淺間神之父也或  
說云富士者域中之大山也大山祇之名義符  
合者也

大山祇神事見于伊豆國三島社之下  
式外

府中淺間社

延喜年中自淺間大宮勸請于安倍郡志豆機

山之下。卽今所坐于府中之淺間社是也。故俗稱大宮曰本宮。府宮曰新宮。又祭大山祇神於志豆機山之上。又稱總社者大己貴神也。

火雷神社

元慶二年四月己卯駿河國正六位上火雷神授從五位下。

伊豆國

賀茂郡

伊豆三島神社

名神大月次新嘗

大山祇神也

纂疏云今伊豆國三島神社攝州島下郡三島鴨社伊豫州越智郡大山積神等同體異名也。嘉祥三年十月辛亥伊豆國三島神授從五位上。

齊衡元年六月己卯授從四位下。

貞觀元年正月甲申授從四位上。

六年二月壬戌授正四位下

大山祇神

日本紀云一書曰伊弉諾尊拔劍斬斬遍突智為三段其一段是為雷神一段是為大山祇神一段是為高靈

一書曰伊弉諾尊斬斬遍突智命為五段此各化成五山祇一則首化為大山祇二則身中化為中山祇三則手化為麓山祇四則腰化為正勝

山祇五則足化為離山祇

舊事紀云伊弉諾尊遂拔所帶十握劍斬斬遍突智頸為三段亦為五段亦為八段八段各化為八山祇一則首化為大山祇亦名正鹿山津見神二則身中化為中山祇亦於胸所成神名游勝山津見神三則腹化為奧山祇亦名奧山津見神四則腰化為正勝山祇亦於陰所成神名闇山津見神五則左手化為麓山祇亦名

志藝山津見神六則右手化為羽山祇亦名羽  
山津見神七則左足化為原山祇亦名原山津  
見神八則右足化為戶山祇亦名戶山津見神  
日本紀云一書曰伊弉諾尊與伊弉冊尊共生大八洲  
國又生海神等号少童命山神等号山祇水門  
神等号速秋津日命木神等号句々廼馳土神  
号垣安神然後悉生万物焉

古事記云伊耶那岐命伊耶那美命既生國竟

次生海神次生水戶神次生風神次生木神次  
生山神名大山津見神次生野神

舊事紀云伊弉諾伊弉冊二尊既生國竟次生  
水戶神名速秋津彥神妹速秋津姬神復速秋  
津彥速秋津姬二神生山神名大山上津見神

一弓大山祇神

物忌奈命神社名神

續日本後紀云物忌奈乃命者三島大社御子

神也

見于阿波社之下

伊波例命神社

神日本磐余彦天皇也

磐余彦天皇

即神武天皇也

日本紀云神日本磐余彦天皇諱彦火々出見彦波瀲武鸕鷀草葺不合尊第四子也母曰玉依姬海童之小女也天皇生而明達意確如也

年十五立為太子及年四十五歲謂諸兄及子等曰昔我天神高皇產靈尊大日靈尊舉此豐葦原瑞穗國而授我天祖彦火瓊々杵尊於是火瓊々杵尊闢天關披雲路駈山蹕以戾止是時運屬鴻荒時鍾草昧故蒙以養正治此西偏皇祖皇考乃神乃聖積慶重暉多歷年所自天祖降跡以逮于今一百七十九万二千四百七十餘歲而遠邈之地猶未霑於王澤遂使邑有君村有長各自分疆

用相凌躐抑又聞於鹽土老翁曰東有美地余謂彼地必當足以恢弘大業光宅天下何不就而都之乎諸皇子對曰理實灼然我亦恒以為念宜早行之是年也大歲甲寅其年冬十月天皇親帥諸皇子舟師東征戊午歲夏四月欲東踰膽駒山而入中洲時長髓彥間之曰夫天神子等所以來者必將奪我國則盡起屬兵徵之於孔舍衛坂與之會戰有流矢中五瀨命肱脛皇師不能進戰天皇憂之

六月乙未朔丁巳軍至紀伊國名草邑則誅名草戶畔者遂越狹野到熊野神邑且登天磐盾仍引軍漸進海中卒遇暴風皇舟漂蕩時稻飯命入海化為鋤持神三毛入野命蹈浪秀而往乎常世鄉矣天皇獨與皇子手研耳命帥軍而進至熊野荒坂津因誅丹敷戶畔者冬十有二月饒速日命考舊事本紀則是本知天神慇懃字摩志麻治命也唯天孫是與且見夫長髓彥稟性腹狠不可教

以<sub>二</sub>天人<sub>一</sub>之際<sub>ヲ</sub>乃殺之帥<sub>テ</sub>其衆而歸順焉辛酉年  
春正月庚辰朔天皇卽帝位於檀原宮是歲為  
天皇元年七十有六年春三月甲午朔甲辰天  
皇崩<sub>ニ</sub>于檀原宮時年一百二十七歲明年秋九  
月乙卯朔丙寅葬畝傍山東北陵

伊波乃比咩命神社

大山祇神之長女磐長姬也

日本紀云大山祇神乃使二女曰磐長姬弟  
曰木花開耶姬

持<sub>二</sub>百杵<sub>一</sub>飲食奉進時皇孫天津彥火瓊杵尊  
謂<sub>二</sub>姪<sub>一</sub>為醜不御而罷妹有國色引<sub>レ</sub>而幸<sub>ハ</sub>之故磐  
長姬大慙<sub>ラ</sub>而詛<sub>ヒ</sub>之曰假使天孫不<sub>レ</sub>存<sub>ニ</sub>妾<sub>一</sub>而御者  
生<sub>ニ</sub>兒永壽<sub>一</sub>有如磐石之常存今既不然唯弟獨  
見御故其生兒凶<sub>ニ</sub>如木華<sub>一</sub>之移落一云磐長姬  
耻恨<sub>ニ</sub>而唾<sub>ニ</sub>泣<sub>一</sub>之日顯見蒼生者如木花之俄遷  
轉當衰去矣此世人短折之緣也  
舊事紀云父大山祇神自送<sub>テ</sub>言我女二並<sub>ニ</sub>立奉<sub>ニ</sub>

由者使磐長姬者天神御子之命雖雪雨零風  
吹恒如磐石而常石堅石不動坐亦使木花之  
開姬者如木花之榮榮坐誓約貢進而返磐長  
姬獨留木花之開姬故天神之御子壽命者木  
花之阿摩比能徵坐故是以至于今天皇命等  
之御命不長矣

伊波比咩命神社  
磐長姬也

見子上

阿波神社 名神

續日本後紀云仁明天皇承和七年九月癸酉  
朔乙未伊豆國言賀茂郡有造作島本名上津  
島此島坐阿波神是三島大社本后也又坐物  
忌奈乃命即前社御子神也新造宮四院石室  
二間屋二間閭室十三基上津島本體草木繁  
茂東南北方巖峻峭崿人船不到纜西面有泊

宿之濱今成燒崩與海共成陸地并沙濱二千  
許町其島東北角有新造神院其中有壘高五  
百許丈基周八百許丈其形如伏鉢東方片岸  
有階四重青黃赤白色沙次第敷之其上一  
閣室高四許丈次南海邊有二石室各長十許  
丈廣四許丈高三許丈其裏五色綾石屏風立  
之壁代山川飛雲形微妙難名其前懸夾纈軟  
障卽有美麗濱以五色沙成修次南傍有一磯

如魚屏風其色三分之二悉金色矣眩曜之狀  
不可取記亦東南角有新造院周垣二重以壘  
築固各高二許丈廣一許丈南面有二門其中  
央有一壘周六百許丈高五百許丈其南片岸  
有十二閣室八基南面四基西面周各廿許丈  
高十二許丈其上階東有屋一基瓷瓦形葺  
造之長十許丈廣四許丈高六許丈其壁以白  
石立固則南面有一戶其西方有一屋以黑瓦

葺作之其壁塗赤土東南有一戶院裏礫砂皆  
悉金色又西北角有新作院周垣未究作其中  
有二壘基周各八百許丈高六百許丈其體如  
瓮伏南片岸有階二重以白砂敷之其頂平麗  
也從北角至于未申角長十二許里廣五許里  
皆悉成沙濱從戌角至于丑寅角長八許里  
廣五許里同成沙濱北二院元是大海又山岑  
有一院一門其頂有<sub>下</sub>如人坐形石高十許丈右

手把劍左手持棒其後有侍者跪瞻貴主其邊  
嗟峨不可通達自餘雜物燎燄未止不能具注  
去承和五年七月五日夜出火上津島左右海  
中燒炎如野火十二童子相接取炬下海附火  
諸童子履潮如地入地如水震上大石以火燒  
摧炎場達天其狀勝騰所<sub>レ</sub>燄<sub>レ</sub>飛其間經旬雨  
灰滿部仍召集諸祝刀禰等卜求其寮云阿波  
神者三島大社本后五子相生而後后授賜冠

位我本后未預其色因茲我殊示恠異將預冠  
位若稱宜祝等不申此崇者出鹿火將亡稱宜  
等國郡司不勞者將亡國郡司勞成我所欲者  
天下國郡平安令產業豐登今年七月十二日  
眺望彼雲島烟覆四面都不見狀漸比戾逆雲  
霧霽朗神作院岳等之類露見其真斯乃神  
明之所感也

又云冬十月癸卯朔丙辰奉授無位阿波神物  
忌奈乃命並從五位下以伊豆國造島靈驗也  
文德實錄云嘉祥三年十月壬子伊豆國阿波  
神物忌奈乃神並授從五位上

加毛神社二座

大和國葛上郡鴨社同體事代主神也  
事代主神事見于宮中八神殿之下

田方郡

倭文神社

倭文神者天羽槌命也

見于大和國倭文社之下

廣瀨神社

大和國廣瀨坐和加字加賣神同體也

見于大和國

玉作水神社

水神罔象女也

見于阿波國彌都波能賣神社之下

火牟須比命神社

火神軻遇突智也

日本紀云一書云日月既生次生姪兒次生素戔

鳴尊次生火神軻遇突智時伊弉册尊為軻遇突

智所焦而終矣其且終之間卧生土神垣山姬及

水神罔象女即軻遇突智娶垣山姬生稚產靈

此神頭上生蠶與桑臍中生五穀

一書曰伊弉册尊生火產靈時為子所焦而神退

矣

一書曰至<sub>二</sub>於火神<sub>一</sub>軻遇突智<sub>一</sub>之生也其母伊奘册尊見<sub>レ</sub>焦而化去<sub>レ</sub>于時伊奘諾尊恨<sub>レ</sub>之曰唯以<sub>レ</sub>一兒<sub>一</sub>替<sub>レ</sub>我愛之妹<sub>一</sub>者乎則匍匐<sub>レ</sub>頭邊<sub>一</sub>匍匐<sub>レ</sub>脚邊<sub>一</sub>而哭泣流涕焉其淚墮而為<sub>レ</sub>神是即<sub>レ</sub>畝丘樹下所居之神號<sub>レ</sub>啼澤女命矣遂<sub>レ</sub>被<sub>レ</sub>所帶十握劍斬<sub>レ</sub>軻遇突智為<sub>レ</sub>三段此各化為神也復<sub>レ</sub>劍<sub>レ</sub>又<sub>レ</sub>垂<sub>レ</sub>血是為<sub>レ</sub>天安河邊所在五百箇磐石也即此經津主

神之祖矣復<sub>レ</sub>劍<sub>レ</sub>鐔<sub>レ</sub>垂<sub>レ</sub>血<sub>レ</sub>激<sub>レ</sub>越<sub>レ</sub>為<sub>レ</sub>神号曰<sub>レ</sub>甕速日神次<sub>レ</sub>燖速日神其甕速日神是<sub>レ</sub>武甕槌神之祖也

古事記云次<sub>レ</sub>生<sub>レ</sub>火之夜<sub>レ</sub>藝速男神亦名<sub>レ</sub>謂<sub>レ</sub>火之燒昆古神亦名<sub>レ</sub>謂<sub>レ</sub>火之迦具土神因<sub>レ</sub>生<sub>レ</sub>此子美蕃登見<sub>レ</sub>矣而病臥故伊邪那美神者因<sub>レ</sub>生<sub>レ</sub>火神遂<sub>レ</sub>神<sub>一</sub>避<sub>レ</sub>坐<sub>レ</sub>也

引手力命神社

思兼命之子手力雄神也

手力雄神事見于紀伊國牟婁郡

那賀郡

仲大歲神社

大歲神也

仲者地名即那賀之地也

國柱命神社

大和國龍田社同體風神也

見于大和國天御柱國御柱神之下

國玉命神社

大國玉命者即三輪大神之一名也

見于大和國三輪社出雲國杵築社之下

國玉命神社

同體大國玉神也

豐御玉命神社

豐玉命者玉作部之祖也

日本紀云使鏡作部遠祖天糠戶者造鏡忌部  
遠祖太玉者造幣玉作部遠祖豐玉者造玉  
舊事紀云復令玉作部遠祖豐球玉屋神為造  
玉者  
玉作祖事見于河內國玉祖神社之下  
式外

走湯社

或云伊豆權現

俗說云火瓊之杵尊也

甲斐國

山梨郡

物部神社

物部祖字摩志麻治命也

貞觀五年六月己亥授甲斐國從五位下勳十  
二等物部神從五位上  
八年三月甲辰授正五位下

十八年七月丙戌從四位下物部神授從四位上

元慶四年二月壬辰授正四位下

字摩志麻治命事見于伊勢國飯高郡

松尾神社

山城國松尾社同體大山咋神也

見于山城國葛野郡

巨麻郡

穗見神社

海神之子穗高見命也

見于信濃國穗高社之下

倭文神社

倭文神天羽槌命也

見于大和國葛下郡

八代郡

弓削神社

天日驚翔矢命也

此命者高竈命孫而弓削宿禰之祖也

淺間神社

大 名 神

駿河國淺間社同體大山祇神之女木花開耶姬也

三代實錄云貞觀七年十二月九日丙辰甲斐國八代郡立淺間明神祠列於官社卽置祝禰宜隨時致祭先是彼國司言往年八代郡暴風

大雨雷電地震雲霧昏冥難辨山野駿河國富士大山西峯忽有熾火燒碎岩谷今年八代郡擬大領無位伴直真貞託宣云我淺間明神欲得此國齋祭頃年為國吏成凶咎為百姓病死然未曾覺悟仍成此恠須早定神社兼任祝禰宜宜潔奉祭真貞之身或可八尺或屈可二尺變體長短吐件等詞國司求之卜筮所告同於託宣於是依明神願以真貞為祝同郡人伴秋

言為彌豆郡家以南作建神宮且令鎮謝雖然  
異火之表于今未止遣使者檢察埋剗海千許  
町仰而見之正中最頂飾造社宮垣有四隅以  
丹書石立其四面石高一丈八尺許廣三尺厚  
一尺餘立石之門相去一尺中有一重高閣以  
石構管彩色美麗不可勝言望請齋祭兼預官社  
木花開耶姬事見于駿河國淺間社之下

式外

### 美和神社

美和神者大物主命也

貞觀五年六月己亥授甲斐國從五位下勳十  
二等美和神從五位上

八年三月甲辰授正五位下

十八年七月丙戌授正五位上

元慶四年二月壬辰授從四位下

相摸國

愛甲郡

小野神社

山城國小野社同體祭天神地祇者也

式外

箱根社

俗說云箱根山權現者天忍穗耳尊也

鶴岡宮

後冷泉院御宇源賴義奉勅伐安倍貞任時有

丹所之旨康平六年秋八月勸請石清水宮建  
瑞籬於相模國由比鄉号之下若宮永保元年  
二月源義家修造之治承四年十月源賴朝遷  
之小林鄉之地山即今鶴岡八幡宮是也

武藏國

多磨郡

小野神社

小野社者所祭天神地祇也

見于山城國小野社之下

布多天神社

大麻止乃豆乃天神社

阿豆佐味天神社

穴澤天神社

都五所共拜祭天神者也

足立郡

調神社

上人說云月讀尊也調與月和訓同故書調字以爲月神

入間郡

廣瀨神社

大和國廣瀨大忌神同體也

見于大和國廣瀨郡

物部天神社

合祭物部祖神及天神之社也

國涇地祇社

所祭地祇之社也

男衾郡

稻乃賣神社

廣瀨社同體和加字加賣命也

見于大和國廣瀨郡

播羅郡

白髮神社

白髮天皇者雄略天皇之兒謚清寧天皇也

日本紀云白髮武廣國押稚日本根子天皇大

泊瀨幼武天皇第三子也母日葛城韓媛天皇

生而白髮長而愛民大泊瀨天皇於諸子中特

所靈異二十二年立為皇太子二十三年八月

大泊瀨天皇崩冬十月己巳朔壬申大伴室屋

大連卒臣連等奉靈於皇太子二年春二月天

皇恨無子乃遣大伴室屋大連於諸國置白髮

部舍人白髮部膳夫白髮部鞞負ヲ奠ヲ垂ニ遺跡ヲ令  
觀於後五年春正月甲戌朔己丑天皇崩于宮  
時年若干冬十一月庚午朔戊寅葬于河內坂  
門原陵

秩父郡

秩父神社

秩父彥命也

舊事紀云知々夫國造ヲ崇神朝八意思金命十

世孫知々夫彥命定賜國造ヲ拜祠大神

貞觀四年七月戊子武藏國正五位下勳七等

秩父神授正五位上

十三年十一月壬午授從四位下

元慶二年十二月己巳授正四位下

大里郡

高城神社

高皇產靈尊也

舊事紀云高皇產靈尊亦名高魂尊亦名高木命

見于宮中八神殿之下

式外

倭文神社

倭文造祖天羽雷命也

天安元年九月庚戌武藏國正六位上倭文神

授從五位下

天羽雷命事見于大和國葛下郡

安房國

安房郡

安房坐神社

名神大月次新嘗

舊事紀云神武帝之時天富命於安房地立太

玉命社謂安房社是也

承和九年十月壬戌安房國從五位下安房大

神授正五位下

仁壽二年八月丙辰加從三位

貞觀元年正月甲申授正三位

古語拾遺云神武天皇之時天日鷲命之孫造木綿及麻并織布仍令天智命率日鷲命之孫求肥饒地遣阿波國殖穀麻種其裔今在彼國當大嘗之年貢木綿麻布及種々物所以郡名為麻殖之緣也天智命更求沃壤分阿波齋部率往東上播殖麻穀好麻所生故謂之總國穀

木所生故謂之結城郡阿波忌部所居便名安房郡天智命即於其地立太玉命社今謂之安房社故其神戶有齋部氏  
天太玉命

舊事紀考高皇產靈尊兒天思兼命次天太玉命忌部首等祖次天忍日命次天神立命

日本紀云天照大神入于天石窟之時中臣連遠祖天兒屋命忌部遠祖太玉命掘天香山之

五百箇真坂樹而上枝懸八坂瓊之五百箇御  
統中枝懸八咫鏡下枝懸音和幣白和幣相與  
致其所禱焉

又云天照大神乃賜天津彥々火瓊々杵尊八  
坂瓊曲玉及八咫鏡草薙劔三種寶物又以中  
臣上祖天兒屋命忌部上祖太玉命猿女上祖  
天鈿女命鏡作上祖石凝姥命玉作上祖玉屋  
命凡五部神使配侍焉

舊事紀云饒速日尊天降之時天香諾山命天  
鈿賣命天太玉命天兒屋命等三十二人並為  
防衛天降供奉矣

朝夷郡

天神社

所祭天神也

上總國

長柄郡

橘神社

日本紀云日本武尊平東夷之時進相摸欲往  
上總乃至于海中暴風忽起王船漂蕩而不可  
渡時有從王之妾曰弟橘媛穗積氏忍山宿禰  
之女也啓王曰今風起浪洑王船欲沒是必海  
神心也願以妾之身贖王之命而入海言訖乃  
披瀾入之王每有顧弟橘媛之情故自蝦夷還  
之登雄日嶺而東南望之三歎曰吾孀者耶故

因号山東諸國曰吾孀國也

下總國

香取郡

香取神宮名神六月  
次新嘗

或曰檄取當國之一宮也

舊事紀云復劍鋒垂血激越為神亦血走就湯  
津石村所成之神名曰磐裂根裂神兒磐筒男  
磐筒女二神相生之神兒經津主神今坐下總

國香取大神是也

日本紀云二神曰天有惡神請先誅此神然後  
下撥葦原中國是時齋主神号齋之大人此神  
今在乎東國檄取之地也

纂疏云齋主祭神之主也經津主神之別稱檄  
取地名在東海下總國一作香取今為郡名故  
經津主号曰香取明神

寶龜八年七月乙丑內大臣從二位藤原良繼

病叙其氏神鹿島社正三位香取神正四位上  
經津主神

日本紀云伊弉諾尊斬軻遇突智為三段此各  
化成神也復劍又棄血是為天安河邊所在五  
百箇磐石也卽此經津主神之祖矣復劍鐔垂  
血激越為神号曰瓊速日神次燖速日神其瓊  
速日神是武甕槌神之祖也  
又云斬軻遇突智時其血激越滌於天八十河中

所在五百箇磐石而因化成神号曰磐裂神次根  
裂神兒磐筒男神次磐筒女神兒經津主神  
又云高皇產靈尊更會諸神選當遣於葦原中  
國者念曰磐裂根裂神之子磐筒男磐筒女所  
生之子經津主神是將佳也時有天石窟所住  
神稜威雄走神之子甕速日神甕速日神之子  
熯速日神熯速日神之子武甕槌神此神進曰  
豈唯經津主神獨為大夫而吾非大夫者

哉其辭氣慷慨故以卽配經津主神令平葦原  
中國二神於是降到出雲國五十田狹之小江  
則拔十握劍倒植於地踞其鋒端而問大己貴  
神曰高皇產靈尊欲降皇孫君臨此地故先遣  
我二神驅除乎定汝意何如當須避不時大己  
貴神對曰當問我子然後將報是時其子事代  
主神遊行在於出雲國三穗之碕以釣魚為樂  
故以熊野諸手船載使者稻背脰遣之而致高

皇產靈勅於事代主神且問將報之辭時事代  
主神謂使者曰今天神有此借問之勅我父宜  
當奉避者亦不可違因於海中造八重蒼柴籬  
踏船柁而避之使者既還報命故大己貴神則  
以其子之辭白於二神曰我怙之子既避去矣  
故吾亦當避如吾防禦者國內諸神必當同禦  
今我奉避誰復敢有不順者乃以平國時所杖  
之廣矛授二神曰吾以此矛率有治功天孫若

用此矛治國者必當平安今我當於百不足之  
八十限將隱去矣言訖遂隱於是二神誅諸不  
順鬼神等果以復命

釋日本紀云天書曰經津主神者天之鎮神也  
其先出自諾尊初諾尊斬溫突血成赤霧天下  
陰闇直達天漢化為三百六十五度七百八十  
三磐石是謂星度之精氣化為神号曰磐裂是  
謂歲星之精裂生根去是謂熒惑之精去生磐

筒男是謂太白之精，男生警筒女是謂辰星之精，女生經津主是謂鎮星之精。

岡田郡

桑原神社

崇神天皇，子豐城入彥命也。

按姓氏錄，豐城入彥命者桑原臣之祖也。

見于駿河國有度郡池田社之下。

常陸國

鹿島郡

鹿島神社 名神大月次新嘗

鹿島神者武甕槌神與大和國石上社同體也。

寶龜八年七月乙丑，內大臣從二位藤原朝臣

良繼病，叙其氏神鹿島社正三位，香取神正四

位上。

武甕槌神

舊事紀云：復劍，鑿垂血，激越為神，亦走就湯津。

石村所成之神名曰天尾羽張神亦名稜威雄  
走神亦云甕速日神亦燠速日神亦槌速日神  
今坐天安河上天窟之神也兒建甕槌之男神  
亦名建布都神亦名豐布都神今坐常陸國鹿  
島大神卽石上布都大神是也

日本紀云伊弉諾尊遂拔所帶十握劍斬軻遇  
突智為三段此各化成神也復劍又垂血是為  
天安河邊所在五百箇磐石也卽此經津主神

之祖矣復劍鑿垂血激越為神号曰甕速日神  
次燠速日神其甕速日神是武甕槌神之祖也  
亦曰甕速日命次燠速日命次武甕槌神  
又云是後高皇產靈尊更會諸神選當遣於葦  
原中國者僉曰磐裂根裂神之子磐筒男磐筒  
女所生之子經津主神是將佳也時有天石窟  
所住神稜威雄走神之子甕速日神甕速日神  
之子燠速日神燠速日神之子武甕槌神此神

進<sub>ラ</sub>日<sub>ニ</sub>豈<sub>レ</sub>唯<sub>レ</sub>經津主神獨<sub>ニ</sub>為<sub>レ</sub>大夫<sub>ニ</sub>而吾<sub>レ</sub>非<sub>ニ</sub>大夫<sub>ニ</sub>者  
哉其辭氣慷慨故<sub>ニ</sub>以<sub>レ</sub>即配<sub>ニ</sub>經津主神<sub>ニ</sub>令<sub>レ</sub>平<sub>ニ</sub>葦原  
中國<sub>ニ</sub>

釋日本紀云天書曰武甕槌者天之進神也其  
先出自<sub>レ</sub>葦原威雄走昔有天閭霧方四里許其中  
有小孔化為石窟々中有神是謂雄走々生甕  
速日<sub>ニ</sub>甕生<sub>ニ</sub>熯速日<sub>ニ</sub>熯生<sub>ニ</sub>武甕槌<sub>ニ</sub>々々生而個儻<sub>スリ</sub>  
形儀類<sub>レ</sub>鵝體勢如<sub>レ</sub>狼權武桓々志懷霜雪稱舉

武藝拜主進列在八十諸神上

大洗磯前神社大名神

少彥名命也

文德實錄云齊衡三年十二月庚午朔戊戌常  
陸國上言鹿島郡大洗磯前有神新降初郡民  
有<sub>ニ</sub>煮<sub>レ</sub>海<sub>ニ</sub>為<sub>レ</sub>鹽<sub>ニ</sub>者夜半望<sub>レ</sub>海<sub>ニ</sub>光耀屬<sub>ニ</sub>天<sub>ニ</sub>明日有<sub>ニ</sub>雨<sub>ニ</sub>  
恠石見<sub>ニ</sub>在水次<sub>ニ</sub>高各尺許體<sub>ニ</sub>於神造<sub>ニ</sub>非<sub>ニ</sub>人間<sub>ニ</sub>石  
鹽翁私異<sub>レ</sub>之去後一日亦有二十餘小石在<sub>ニ</sub>向

石左右似若侍坐彩色非常或形沙門唯無耳  
日時神憑人云我是大奈母知少比古奈命也  
昔造此國訖去往東海今為濟民更亦來歸云云  
天安元年十月己卯常陸國大洗磯前酒列磯  
前兩神号藥師菩薩名神

真壁郡

大國玉神社

大國玉神者大己貴命之別名也

見于大和國三輪社出雲國杵築社之下

信太郡

植縫神社

見于出雲國植井社之下

久慈郡

天之志良波神社

天白羽神者麻績連之祖也

貞觀八年五月庚午常陸國正六位上天白羽

神授從五位下

見于伊勢國麻績社之下

筑波郡

筑波山神社二座

一名神大  
一小

卜部說云筑波山神二社一社者日本武尊一社者弟橘比賣也俗曰陰陽二柱尊

按三代實錄有筑波男神筑波賣神之名土人相傳云名女男之河者山上以二神之在之故

也今謂御名野河

承和九年十月壬戌常陸國無位筑波女大神授從五位下

天安二年五月壬戌筑波山神二柱授四位

貞觀十二年八月戊申授從四位上筑波男神

正四位下從四位下筑波女神從四位上

十三年二月壬寅授正四位下筑波男神從三位

日本武尊事見于尾張國熱田社之下  
茅橋姬者日本武尊之妃也見于上總國橘神  
之下

那賀郡

酒烈磯前神社大名神

大洗磯前社同體也

見于大洗磯前社之下

石船神社

磐櫂樟船神也

按日本紀有天磐櫂樟船有鳥磐櫂樟船

新治郡

稻田神社大名神

素戔嗚尊之妃奇稻田姬也

稻田姬事見于能登國能登郡

鴨大神御子神主神社

事代主神御子天日方奇日方命也

蓋以鴨大神者事代主神也稱御子者即日方  
命也所謂神主神者按日本紀崇神天皇御宇  
以日方命七世之孫大田々根子命為祭三輪  
大神之主焉頗為三輪神主之上祖也故号曰  
神主神者也

天日方奇日方命

舊事紀云都味齒八重事代主神化為八尋熊  
罴通三島溝杙女活玉依姬生一男一女兒天

日方奇日方命亦名阿田都久志尼命此命檀  
原朝御世勅為食國政申大夫供奉日向賀  
牟度美良姬生一男一女兒健飯勝命妹淳中  
底姬命片鹽淳孔宮御宇天皇立為皇后  
又云天孫磐余彥尊都檀原宮初即皇位此日  
物部連等祖宇摩志麻治命與大神君祖天日  
方奇日方命並拜為申食國政大夫也今之大  
連大臣是矣

日本紀云大日本彥耜友天皇母曰滄名底仲媛命事代主神孫鴨王女也鴨王者天日方奇日方命也

多珂郡

佐波波地祇神社

所祭地祇之神社也

神祇寶典卷第五

愛 知 県



1103263618